



Universitätsbibliothek Paderborn

Cursus Theologico-Moralis

Ad usum Tyronum elucubratus, Et in Quotidianis Prælectionibus
Quoad ea, quæ Moralis Theologia disputat De Sacramentis, & Censuris

Viva, Domenico

Patavii, 1723

Art. III. Quot modis absolutio a Censura conferri possit?

urn:nbn:de:hbz:466:1-40650

Etiam Superiori non amittit suam jurisdictionem quoad ea, quæ appellationi non obstant; atqui non obstat absolutio appellationi; cum propter absolutionem interponatur appellatio; ergo potest judex, a quo appellatum est, etiam post appellationem absolvere.

XI. Infertur ex dictis primo, excommunicatum a proprio Episcopo, etiamsi domicilium mutet, non posse absolviri ab Episcopo, in cuius Diœcesim domicilium translulit, sed debere a priore Episcopo, vel ejus superiori, aut successore, aut delegato absolviri, si excommunicatio fuit specialis. Ita Doctores communiter, ex cap. *Propositi*, de foro competenti apud Con. dub. 16., & Suar. disp. 7. sect. 2. Ratio est, ne Judicium jurisdictionis perturbetur, eorumve auctoritas contempnatur. Quod si excommunicatio lata fuerit per sententiam generalis, potest probabiliter absolviri ab alio Episcopo, in cuius Diœcesim domicilium translulit; immo etiam a Parrocho, atque adeo etiam a quolibet Confessario, qui possit absolvere a mortalibus, si censura non sit reservata, ut docet Laym. part. I. cap. 7. ex citat. cap. *Nuper*.

Infertur secundo, quod si excommunicatus ab homine per sententiam generalis, vel per statutum Religionis ingrediatur, possit a Prælato Religionis absolviri: Contra vero si sit excommunicatus per sententiam specialem, secluso privilegio; nam ratione causa inchoata in tali casu jurisdictione maneret penes priorem Judicem, a quo fuit excommunicatus: Habetur enim regula generalis in cap. *Propositi*, de foro competenti, quod *Præventus a judice forum ipsius in ea causa declinare non potest*.

Infertur tertio, quod si Advena Nolanus, exempli gratia, incurrat Neapoli excommunicationem latam

per sententiam specialem ratione delicti Neapoli commissi, non possit ab Episcopo Nolano, sed solum a Neapolitano absolviri; secus vero si excommunicationem latam per statutum incurreret.

Advertit hic Con. num. 259., quod si tam Episcopus, quam subditus excommunicatus existant extra propriam Diœcesim, possit Episcopus suum subditum absolvere; quia potest extra territorium exercere jurisdictionem voluntariam, seu gratissimam, quæ fit sine strepitu judiciali, ut docent communiter cum Covarr.

Rogabis: Si excommunicatus per sententiam specialem non possit exlegitimo impedimento adire latorem censuræ, & paratus sit debitam satisfactionem præstare, poteritne ab alio aequali, vel ab inferiore Judice absolviri?

Respondeo, ex cap. *Quamvis*, de *Sententia excommunicationis* affirmative; dummodo det prius juramentum, quod, quamprimum poterit, ei se prætentabit, cui de jure absolutione competebat.

ARTICULUS III.

Quot modis absolutio a Censura conferri possit?

I. *Absolutio a censuris dari potest vel conditionate, vel ad causam, vel ad reincidentiam.*

II. *Cur censura ferri possit sub conditione de futuro, non tamen absolutio a censura regulariter?*

III. *Num sine nova culpa possit aliquis in priorem excommunicationem recidere?*

IV. *Qui tenetur adire Pontificem pro absolutione, si impedimento laborret, poterit adire per Procuratorem, vel per Epistolam, sed adid non obligatur.*

V. Ab-

V. Absolutus ad reincidentiam ab Inferiore, nisi intra mensem, verbi gratia, satisfaciat, num teneatur Papam adire pro absolutione, si satisfecerit intra illum mensem?

I. Quæritur primo; Quotupliciter dari possit absolutio a censura?

Respondeo quadrupliciter, videlicet vel absolute, vel conditionate, vel ad cautelam, vel ad reincidentiam. Primo datur aliquando absolutio *Absolute*, & simpliciter, quando scilicet reus emendatus absolute liberatur.

Secundo datur *Conditionate*, ita ut purificata conditione reus sit omnino liber a censura: Verbi gratia, si absolvatur Titius statim ac parti læsæ satisfecerit, parte satisfacta remanet absolutus. Nonnulli cum Antonin., Sylvest., & aliis apud Dian. part. 5. tract. 9. resol. 14. dixerunt, absolutionem sic collatam sub conditione de futuro esse invalidam, non secus ac absolutio a peccatis data sub conditione de futuro. Sed Covarr., Nav., Con. num. 218., & alii communiter id negant, si detur sub conditione de futuro pertinente ad causam; quia absolutio sic data nullo jure irritatur, nec prohibetur; ergo non solum est valida, sed etiam ex rationabili causa est licita; ut fuse diximus quest. I. art. 5. loquentes de censura lata sub conditione. Verum tamen est, quod si absolutio daretur sub conditione sine rationabili causa, esset illicita; tum quia contra usum Ecclesiæ daretur; tum etiam quia relinquetur iudicio censurati decernendum, an purificata esset conditio, & consequenter an dici deberet absolutus, ut notat Villalob. apud Dian. loc. laud.: Contra tamen absolutio a peccatis non solum est illicita, sed etiam invalida, si conferatur sub conditio-

ne de futuro; quia positis omnibus constitutivis Sacramenti, non potest effectus sacramenti suspendi, ut diximus in de Sacramento matrimonii; Ubi notavimus ex Perez, posse Sacramentum matrimonii confici sub conditione de futuro, non solum quia hoc fert natura contractus elevati a Christo Domino ad rationem Sacramenti, sed etiam quia contractus sub conditione celebratus tunc habet rationem contractus absoluti constituentis Sacramentum, quando purificatur conditio; & consequenter neque in tali casu suspenditur effectus Sacramenti matrimonii positis omnibus suis constitutivis.

II. Inquirit hic Suar. num. II. quare possit licite ferri censura sub conditione de futuro pertinente ad causam; absolutio vero a censura non licite conferatur sub eadem conditione, nisi ex rationabili motivo; (quod tam raro accidit) Etenim vel quando datur absolutio a censuris, reus est dispositus, vel non; Si primum, non debet absolutio differri, quoisque purificetur conditio; Si secundum, absolutio simpliciter non est danda, ne sub conditione quidem.

Respondeat idem Suar., disparitatem esse; quia cum peccata occulte fiant, & a peccatoribus plerumque abscondantur, expedit aliquando ea puniri ipso facto, & sic minari censuram ipso facto incurriendam sub ea conditione, quod tale peccatum committatur, ut sic facilitas peccandi coercentur: Contra vero, cum satisfactio, seu resipiscientia per se loquendo non abscondatur, non est opus dare absolutiōnem sub conditione resipiscientiæ, vel sub alia conditione de futuro, sed statim post resipiscientiam dari debet absolutio absoluta. Dixi per se loquendo, cum possit accidere casus, in quo licite detur sub conditione de futuro, si scilicet excommunicatus debeat abire

ire in regionem longinquam, & non possit, nisi post mensem, verbi gratia, satisfacere, ne se infamet; tunc certe dari potest absolutio sub conditione, quod intra mensem satisfaciat.

Neque dicas, in Regula 50. juris in 6. habetur, *Quod actus legitimi conditionem non recipiunt*; ergo absolutio nunquam dari potest sub conditione. Nam contra est, quia ibi non est sermo de omnibus, sed de quibusdam actibus legitimis, qui enumerantur in leg. *Actus legitimi*.

Dubitatur; Num absolutio sub conditione de futuro ad causam impertinente sit valida? Verbi gratia, Absolvo te, si cras pluet.

Suar. disp. 3. sect. 3. cum Filliac., Ugolin. aliisque communiter putat esse invalidam, ut diximus quæst. 1. art. 5. de censura lata sub ea conditione; quia scilicet talis absolutio contineret intolerabilem errorem, & abusum potestatis Ecclesiasticae, dum vellet absolvens ejus effectum pendere a futuro contingenti nullatenus ad rem pertinente. Ex cap. autem *Per tuas, de sententia excommunicationis* habetur, quod invalida sit censura lata, nec non absolutio continens errorem intolerabilem.

Sed Bonac. punct. 7. ex Con. putat esse validam, nec continere intolerabilem errorem; nam sicut non est invalida, nec continet talem errorem absolutio data sub conditione impertinente de præterito, vel de præsenti, (quod adversarii concedunt) verbi gratia, Absolvo te, si heri, vel nunc pluit in Indiis; ita nec absolutio data sub conditione impertinente de futuro: Quamvis enim utraque contineat aliquem abusum Ecclesiasticae potestatis, non tamen errorem intolerabilem; qui certe continetur in inflictione censuræ sub tali conditione: Plura enim requiruntur ad ligandum.

quam ad solvendum; ergo, &c. Evidem sententiam Suar. existimo probabiliorem.

Tertio, datur aliquando absolutio *Ad Cauelam*; quando enim ignoratur, an quis censuram incurrit, & absolvens vult cavere damno, quod ex censura ignota provenire posset, tunc datur illi absolutio ad cauelam. Hinc ante solutionem sacramentalem præmitti ad cauelam solet abolutio a censuris, etiamsi nulla suspicio fit, quod poenitens censuram incurrit; idque in reverentiam Sacramenti, ne impediatur ejus susceptio a censura aliqua forte ignorata. Præmitti etiam solet ante susceptionem Ordinum, ante beneficiorum, aliorumque privilegiorum collationem, ne hæc invalida postmodum inveniantur. Notant vero Doctores, quod præsupponi debet ignorantia censuræ in petente, ut possit conferri sic absolutio, ex cap. *Solet, de sententia excommunicationis in 6.* Quia tamen absolutio ad cauelam peti potest vel in foro conscientie, vel in foro externo, sciendum, quod si petatur in foro conscientia, standum est dicto petentis, qui promittit se satisfactum, si forte consenserit esse censura innodatum; ut docet Savr. lib. 2. cap. 16.: Si vero petatur in foro externo, distinguendum est; nam vel petitur generatum absolutio a censuris, quando nullius in particulari suspicio habetur, & procul dubio concedenda est; vel petitur absolutio ab aliqua speciali censura ad cauelam, & tunc præmittenda est aliqua cognitio causæ. Et absolvendus debet faltem semiplene putare, se non esse illa censura innodatum; vel quia, verbi gratia, sententia continet errorem, vel quia lata fuit post legitimam appellationem interpositam, vel ob aliam causam; ut docet ex multis iuribus, & Doctoribus Pal. disp. 1. punct. 11.

Ro-

Rogabis: An possit absolutionem concedere ad cautelam, non solum Ordinarius, de quo nemo dubitat, sed etiam delegatus?

Respondeo cum Laym. num. 9. ex Suar. lect. 8., & Ugolin., delegatum tunc solum posse ad cautelam absolvare a censuris, quando necesse est, ut testimonium alicujus recipiatur ad praesentem causam decidendam; (quia scilicet aliorum testimonia haberi nequeunt) non tamen posse ad alios fines absolvare ad cautelam, puta ad collationem beneficii, &c.

Quarto demum concedi solet absolution ad Reincidentiam, ita scilicet, ut nisi absolutus rem injunctam intra praefixum terminum exequatur, in eandem censuram incurrat. Ita in Cap. *Eos qui, de sententia excommunicacionis in 6.*; ubi dicitur, quod absolutus ab eo, qui de jure non poterat ob legitimum impedimentum, si postea, cum commode possit, coram suo iudice non compareat, paratus exequi ejus mandata, in eam reincidit excommunicationem: Ubi advertit Laym. cap. 7. ex Sanch. lib. 2. Moralium cap. 17., non posse excommunicatum reincidere in eandem numero, sed solum in similem excommunicationem, atque adeo in eandem moraliter.

III. Quæritur secundo; An possit quis in priorem censuram reincidere absque nova culpa?

Respondeo, ab omnibus admitti, quod id fieri possit a Pontifice, si expresse velit, quod Titius, verbi gratia, excommunicatus tantum per mensim liber sit ab excommunicatione: Verum quando nihil Pontifex exprimit, & quando censuræ feruntur ab aliis Pontifice inferioribus, putant Suar. disp. 7. lect. 8., Hurt. disp. 14. de excommunicat. diff. 3., quod possit quis mere ob culpam præteritam in eandem excommunicationem reincidere; Si enim pena temporalis, puta e-

Pars VIII.

xili, potest pro aliquo tempore suspendi, quidni etiam pena spiritualis? Sed communius cum Pal. disp. 1. punct. 11., Navar., Henr., Leand., Dian. part. 5. tract. 9. resol. 15. negant; quia censura ex sui institutione est pena medicinalis; atque adeo semel sublata nequit absque nova causa, seu absque actuali inobedientia, & contumacia iterum infligi: Ad quid enim infligeretur? Non est idem de pena temporali, quæ in puram punitionem, non in medicinam infligitur.

Advertendum tamen, absolutionem ad reincidentiam aliquando dari in ordine ad aliquem tantum effectum, puta, ut censuratus sit capax alicujus beneficii, vel ut impletat præceptum confessionis, & communionis annuæ, ut lucretur jubilæum, &c., ita ut transacto tali actu statim redeat in eandem censuram. Hac tamen absolutio non est proprie a censura, sed ab aliquo effectu censuræ; unde non est mirum, quod sine nova culpa iterum incurritur præcedens obligatio. Ceterum solus Pontifex potest hoc modo absolvare ad reincidentiam, uno casu excepto, quando scilicet necesse est, ut aliquis censuratus testimonium dicat, eo quod non possit alia via veritas comprobari; in hoc enim casu quilibet Judex, etiam delegatus, potest absolvare reum ad hunc dumtaxat effectum, ut docent communi- ter Doctores cum Laym. cap. 7. ex Cap. *Veniens, de testibus.*

IV. Quæritur tertio; An obligatio- ni comparandi cessante impedimen- to coram Pontifice, vel legitimo iu- dice, satisfaciat quis, si compareat per Procuratorem, aut per Episto- lam?

Respondeo, Pal. disp. 1. punct. 11. cum Ugolin., & aliis negare; quia scilicet, si posset per procuratorem, aut per epistolam comparere, non esset expectandum, quod ceterum im-

H pe-

pedimentum, ut compareat; nam eo durante posset per epistolam comparere. Alii tamen cum Sayr., Navar. apud Leand. quæst. 21. affirmant; quia juxta regulam Juris, *Quod per alium facis, per te ipsum facere videbis*; quamvis in percussione Clerici requiratur præsentatio personalis, quia sic exprimitur in jure.

Utrum autem, si possit per Epistolam comparere, aut per Procuratorem, ad id teneatur? Bonac. quæst. 3. punct. 2. affirms, quia non est credibile, quod Papa velit ab Episcopo absolutionem impendi, quando haberi potest recursus ad ipsum per epistolam; ut dicitur, cum de impedimentis matrimonii. Sed verius negat Henr. lib. 12. cap. 3.; quia nemo tenetur uti privilegiis; est autem privilegium, quod possit censuratus per epistolam recurrere ad Pontificem pro absolutione, quando non potest personaliter comparere.

V. Quæritur quarto; An qui ab inferiore absolvitur ad reincidentiam ob aliquod impedimentum legitimum a censura Papæ reservata; ita ut nisi intra mensem parti satisfaciat, reincidat in censuram; si deinde ante terminum præfixum satisfaciat, teneatur adhuc se præsentare Papæ?

Respondeo cum Leand. quæst. 20., Navar., & aliis contra Cordub., & Rodriq. negative; quia scilicet in tali casu cessat finis talis obligationis, quæ imponitur in cap. *Eos qui*: In foro autem præsertim conscientiae magis attendendus est finis, quam verba præcipientis, ex cap. penult., de regul. *juris in 6.* finis autem comparendi Papæ est, ut satisfaciat parti; ergo parte satisfacta non est amplius comparendum; præsupposita jam absolutione habita ab inferiore pro quanto habebat talem facultatem. Quod si ad instantiam partis sit aliquis excommunicatus, & deinde parti satisfaciat,

non est liber a censura, donec absolvatur, ut supra diximus art. 1., quia ad tollendam censuram requiritur jurisdictionis.

ARTICULUS IV.

Quandonam absolutio a Censuris valeat pro foro externo?

- I. Num absolutio a censuris virim habet, aut Privilegii collata valens etiam pro foro externo?
- II. Si detur facultas absolvendi a censuris, Auditis confessionibus, vel pro foro conscientiae, non præreqüitur ad illam confessio sacramentalis.
- III. Neque si dicatur dari facultas absolvendi pro foro paenitentia.
- IV. Mendicantes privilegiati non debent absolvere a censuris reservatis, si probabiliter deducenda sint ad forum judiciale, aut cum offensione Ordinariorum.

I. Quidam teneatur primo; An absolutio a censuris data vi jubilai, aut Bullæ Cruciatæ, aut alterius privilegii valeat etiam pro foro fori?

Respondeo cum Suar. num. 21., Laym., & aliis communiter, quod quando in Bulla non exprimitur, quod absolutio concedatur tantum pro foro interiori, nec ex circumstantiis (puta ex materia subjecta, ex modo concessionis, aut ex antecedentibus, & consequentibus) id deducitur; tunc intelligatur concessa pro utroque foro. Ratio est, quia ex una parte beneficium Principis, seu gratia latissime interpretanda, ex leg. *Beneficium*, si de constitut. *Principum*; ex alia parte extensio absolutionis ad forum externum non est adeo specialis, & extraordinaria, ut non possit sub generali clausula comprehendendi.

Quod si absolutio solum concedatur